

საქართველოს ნავთობისა და გაზის კორპორაცია (სნგკ)



სატენდერო დოკუმენტაცია

საერთო მოხმარების სამუშაო ცენტრის XEROX 7125 (7125V_7125KD2) შეკეთება

CPV-50310000

სარჩევი

1. ინფორმაცია ტენდერში მონაწილეთათვის
2. ტენდერის პირობები
3. პრეტენდენტის მიერ სისტემაში ასატვირთი ინფორმაცია
4. სახელმწიფო შესყიდვების შესახებ ხელშეკრულების პროექტი
5. დანართი №1 - სატენდერო წინადადება
6. დანართი №2 - ტექნიკური დავალება
7. დანართი №3 - რეკვიზიტების ფორმა
8. დანართი №4 ინფორმაცია ანალოგიური გამოცდილების შესახებ
9. დანართი №5 - საგარანტიო პირობები და ვადები

1. ინფორმაცია ტენდერში მონაწილეთათვის

სახელმწიფო შესყიდვების ერთიან ელექტრონულ სისტემაში (შემდგომში - სისტემა) შესყიდვის პროცედურების განხორციელების საფუძველია საქართველოს კანონი „სახელმწიფო შესყიდვების შესახებ“ (შემდგომში - კანონი) და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესი“, დამტკიცებული სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით, იხ. საიტი <http://procurement.gov.ge>

- გამარტივებული ელექტრონული ტენდერი, ტარდება კანონის მე-3 მუხლის 1. „რ“ პუნქტის თანახმად;
- ტენდერში გამოყენებული იქნება სატენდერო წინადადების უზრუნველყოფის გარანტია (ელექტრონული გარანტია) სატენდერო განცხადებაში მითითებული სავარაუდო ღირებულების 1%-ის ოდენობით, რომლის მოქმედების ვადა განისაზღვრება მინიმუმ 120 კალენდარული დღით, ტენდერისათვის სტატუსის „წინადადების მიღება დაწყებულია“ მინიჭების ეტაპიდან;
- პრეტენდენტს არა აქვს უფლება წარმოადგინოს ალტერნატიული წინადადება.

1.1 შესყიდვის ობიექტი:

სატენდერო დოკუმენტაციის დანართით №1 - სატენდერო წინადადება და დანართით №2 - ტექნიკური დავალება გათვალისწინებული მომსახურების შესყიდვა (შემდგომში - მომსახურება).

2. ტენდერის პირობები

2.1. საკვალიფიკაციო მონაცემების დამადასტურებელი დოკუმენტები - არ გამოიყენება.

2.2 გასაწევი მომსახურების ვადები და პირობები:

მომსახურების გაწევა უნდა განხორციელდეს ხელშეკრულების გაფორმებიდან 40 კალენდარული დღის ვადაში, შემდეგ მისამართზე: ქ.თბილისი, კახეთის გზატკეცილი №21, სს "საქართველოს ნავთობისა და გაზის კორპორაციის" ადმინისტრაციული შენობა.

2.3. ანგარიშსწორების პირობები:

- ანგარიშსწორება მიმწოდებელთან წარმოებს, უნაღდო ანგარიშსწორების ფორმით ხელშეკრულებაში მითითებული დოკუმენტაციის წარმოდგენიდან არაუადრეს 8 და არაუგვიანეს 10 სამუშაო დღის ვადაში.
- წინასწარი გადახდის მექანიზმი - არ გამოიყენება.

2.4. ტექნიკური დოკუმენტაცია

2.4.1. დამატებითი მოთხოვნები პრეტენდენტებთან

- გამოცდილება ბოლო 3 წლის განმავლობაში ანალოგიური მომსახურების შესახებ. (ანალოგიურში იგულისხმება „XEROX“ მიერ წარმოებული ასლგადამღები აპარატების სერვისული მომსახურება.) პრეტენდენტს ბოლო 3 წლის განმავლობაში უნდა ჰქონდეს განხორციელებული მინიმუმ ერთი ანალოგიური მომსახურება. აღნიშნული ინფორმაცია წარმოდგენილი უნდა იყოს სატენდერო დოკუმენტაციის №4 დანართის შესაბამისად და უნდა დაერთოს შესაბამისი გამოცდილების დამადასტურებელი დოკუმენტების ასლები და/ან ინფორმაცია;

2.5. შესყიდვის ობიექტის სავარაუდო ღირებულება:

მომსახურების სავარაუდო ღირებულებაა **1 105.00** ლარი, დღგ-ს გარეშე.

- იმ შემთხვევაში, თუ სატენდერო განცხადებით გათვალისწინებულია წინადადების ფასის დღგ-ის გარეშე წარდგენა, პრეტენდენტი წინადადების ფასში არ ითვალისწინებს დღგ-ს, მიუხედავად იმისა, არის თუ არა იგი დღგ-ის გადამხდელი საქართველოს კანონმდებლობის შესაბამისად. ასეთ შემთხვევაში შერჩევა-შეფასება ხორციელდება წარმოდგენილი წინადადების ფასების მიხედვით. შემსყიდველი ორგანიზაცია ვალდებულია

ხელშეკრულების ღირებულებაში გაითვალისწინოს სატენდერო წინადადების ფასის შესაბამისი დღგ-ის ოდენობა, თუ ხელშეკრულების დადების მომენტისთვის პრეტენდენტი არის დღგ-ის გადამხდელი საქართველოს კანონმდებლობის მოთხოვნათა შესაბამისად.

- იმ შემთხვევაში თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ზე მეტით დაბალია შესყიდვის ობიექტის სავარაუდო ღირებულებაზე, მიმწოდებელმა უნდა დაასაბუთოს ფასწარმოქმნის ადეკვატურობა ან/და ამ ფასად ტენდერით გათვალისწინებული ვალდებულების შესრულების შესაძლებლობა.

2.6. საკონტაქტო ინფორმაცია

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, ქ. თბილისი, კახეთის გზატკეცილი #21, მე-2 სართული, ოთახი 219, საკონტაქტო პირები: ტელ.: +995 (32) 224-40-40, სატენდერო დოკუმენტაციასთან დაკავშირებულ საკითხებზე - გიორგი ჩილვინაძე (შიდა- 216), ტექნიკურ საკითხებზე - დარიალ ალთუნაშვილი (შიდა- 113;114).

2.7 ხელშეკრულების უზრუნველყოფის საბანკო გარანტია: არ გამოიყენება

3. პრეტენდენტის მიერ სისტემაში ასატვირთი ტექნიკური დოკუმენტაცია

პრეტენდენტმა სისტემაში უნდა ატვირთოს შემდეგი ინფორმაცია:

- სატენდერო წინადადება - დანართი №1-ის მიხედვით;
- რეკვიზიტები - დანართი №3-ის მიხედვით;
- დანართი №4 ინფორმაცია ანალოგიური გამოცდილების შესახებ - გამოცდილება ბოლო 3 წლის განმავლობაში ანალოგიური მომსახურების შესახებ. (ანალოგიურში იგულისხმება „XEROX“ მიერ წარმოებული ასლგადამღები აპარატების სერვისული მომსახურება.) პრეტენდენტს ბოლო 3 წლის განმავლობაში უნდა ჰქონდეს განხორციელებული მინიმუმ ერთი ანალოგიური მომსახურება. აღნიშნული ინფორმაცია წარმოდგენილი უნდა იყოს სატენდერო დოკუმენტაციის №4 დანართის შესაბამისად და უნდა დაერთოს შესაბამისი გამოცდილების დამადასტურებელი დოკუმენტების ასლები და/ან ინფორმაცია;
- დანართი №5 - საგარანტიო პირობები და ვადები

4. სახელმწიფო შესყიდვების შესახებ ხელშეკრულების პროექტი

ერთის მხრივ, სს „საქართველოს ნავთობისა და გაზის კორპორაცია“ (შემდგომში – „შემსყიდველი“), წარმოდგენილი დირექტორის ფინანსურ საკითხებში დავით ვარდიაშვილის სახით, რომელიც მოქმედებს სს „საქართველოს ნავთობისა და გაზის კორპორაციის“ გენერალური დირექტორის – დავით თვალაბეიშვილის მიერ 2014 წლის 14 თებერვალს გაცემული და ნოტარიუს ნანი სიდამონიძის მიერ დამოწმებული მინდობილობის საფუძველზე (სანოტარო მოქმედების რეგისტრაციის №140131453) და

მეორეს მხრივ, ----- (შემდგომში „მიმწოდებელი“) წარმოდგენილი დირექტორის -----
----- სახით,

იმ გარემოებიდან გამომდინარე, რომ 2014 წლის ----- შემსყიდველის მიერ სახელმწიფო შესყიდვების შესახებ საქართველოს კანონის მე-3 მუხლის პირველი პუნქტის „რ“ ქვეპუნქტის შესაბამისად გამოცხადებულ ტენდერში SPA----- გამარჯვებულად გამოცხადდა შპს „-----“ ფასით - (-----
-----) ლარი დღგ-ს გარეშე, ვთანხმდებით შემდეგზე:

1. ხელშეკრულების საგანი

1.1. წინამდებარე ხელშეკრულების საგანია დანართი N1-ში მითითებული მომსახურების (შემდეგში - „მომსახურების“) გაწევა.

1.2. „მომსახურების“ ჩამონათვალი, მახასიათებლები, ვადები და ფასი ერთეულის მიხედვით მოცემულია წინამდებარე ხელშეკრულების დანართ №1-ში და №2-ში, რომელიც თან ერთვის ხელშეკრულებას და წარმოადგენს მის განუყოფელ ნაწილს.

2. მხარეთა უფლება-მოვალეობები

2.1. „შემსყიდველი“ ვალდებულია, უზრუნველყოს შესაბამისი ანგარიშსწორება ხელშეკრულებით გათვალისწინებული პირობებითა და ოდენობით;

2.2. „შემსყიდველი“ უფლებამოსილია მოსთხოვოს „მიმწოდებელს“ ხელშეკრულებით ნაკისრი ვალდებულებების დროულად და სრულად შესრულება.

2.3. „მიმწოდებელი“ ვალდებულია, კეთილსინდისიერად, ხარისხიანად და დროულად შეასრულოს მასზე ამ ხელშეკრულებით დაკისრებული მოვალეობები;

2.4. „მიმწოდებელი“ უფლებამოსილია, მოსთხოვოს „შემსყიდველს“ ხელშეკრულებით ნაკისრი ვალდებულებების დროულად და სრულად შესრულება.

3. „მომსახურების“ გაწევის წესი, მიღება-ჩაბარების წესი და ანგარიშსწორების პირობები

3.1. „მიმწოდებელი“ ვალდებულია გაუწიოს „შემსყიდველს“ წინამდებარე ხელშეკრულებით გათვალისწინებული „მომსახურება“ ხელშეკრულების გაფორმებიდან ----- დღის ვადაში.

3.2. „მომსახურების“ დასრულებისთანავე „მიმწოდებელს“ და „შემსყიდველს“ შორის ფორმდება მიღება-ჩაბარების აქტი, რომელსაც ხელს აწერენ მხარეთა მიერ უფლებამოსილი პირები.

3.3. წინამდებარე ხელშეკრულებით განსაზღვრული „მომსახურების“ საერთო ღირებულება შეადგენს ----- ლარს დღგ-ს გარეშე. თუ ხელშეკრულების დადების მომენტისთვის მიმწოდებელი არის დღგ-ის გადამხდელი საქართველოს კანონმდებლობის მოთხოვნათა შესაბამისად, შესაბამისი საგადასახადო ანგარიშ-ფაქტურის წარმოდგენის შემთხვევაში მას აუნაზღაურდება დღგ-ს განაკვეთი ----- (-----) ლარის ოდენობით.

3.4. ანგარიშსწორების განსახორციელებლად „მიმწოდებელმა“ უნდა წარმოადგინოს შემდეგი დოკუმენტები:

ა) საგადასახადო ანგარიშ-ფაქტურა (იხ. წინამდებარე ხელშეკრულების პუნქტი 3.3)

ბ) მიღება-ჩაბარების აქტი.

3.5. ანგარიშსწორება „მიმწოდებელთან“ წარმოებს უნაღდო ანგარიშსწორების ფორმით, „მიმწოდებლის“ მიერ წინამდებარე ხელშეკრულების 3.4. პუნქტით გათვალისწინებული დოკუმენტების „შემსყიდველისთვის“ წარმოდგენიდან არაუადრეს 8 და არაუგვიანეს 10 მდე სამუშაო დღის ვადაში.

4. „მომსახურების“ ხარისხი

4.1. „მიმწოდებელი“ იღებს ვალდებულებას, რომ გაწეული მომსახურების ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს „შემსყიდველის“ მოთხოვნებს წინამდებარე ხელშეკრულების დანართი №2-ით გათვალისწინებულ ფარგლებში;

4.2 შესყიდვის ობიექტის ხარისხი უნდა შეესაბამებოდეს ამ სფეროში არსებულ სტანდარტებს და ტექნიკურ ნორმებს.

5. გარანტია, პასუხისმგებლობა და ხელშეკრულების პირობების შეუსრულებლობა

5.1. „მიმწოდებელი“ იძლევა გარანტიას, რომ მის მიერ გაწეული „მომსახურება“ შეესაბამება ხელშეკრულების 1.2 და მე-4 მუხლებში მითითებულ კრიტერიუმებს.

5.1.1. იმ შემთხვევაში, თუ „მიმწოდებელი“ ვერ უზრუნველყოფს წინამდებარე ხელშეკრულებით გათვალისწინებული 5.1 მუხლში მითითებული კრიტერიუმების შესაბამისი „მომსახურების“ გაწევას „შემსყიდველს“ უფლება აქვს დააკისროს „მიმწოდებელს“ შეუსრულებელი „მომსახურების“ ღირებულების ოდენობის პირგასამტეხლოს გადახდა, რაც „მიმწოდებელმა“ დაუყონებლივ, მაგრამ არაუგვიანეს 3 (სამი) კალენდარული დღისა („შემსყიდველის“ მიერ მისთვის („მიმწოდებლისთვის“) პირგასამტეხლოს დაკისრების თაობაზე წერილობითი შეტყობინების მიღების დღიდან) უნდა გადაიხადოს.

5.2. მხარეების მიერ ხელშეკრულების პირობების შეუსრულებლობა და/ან დარღვევა გამოიწვევს მათ პასუხისმგებლობას წინამდებარე ხელშეკრულებისა და მოქმედი კანონმდებლობით დადგენილი წესის შესაბამისად.

5.3. არაჯეროვანი „მომსახურების“ გაწევის შედეგად „შემსყიდველისთვის“, ან მესამე მხარისათვის მიყენებული ნებისმიერი ზიანის ანაზღაურება ეკისრება „მიმწოდებელს“.

5.4. მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობით ან არაჯეროვანი შესრულებით მისთვის მიყენებული ზიანის ანაზღაურება.

5.5. „მომსახურების“ გაწევის დაყოვნების შემთხვევაში „მიმწოდებელი“ ვალდებულია გადაუხადოს „შემსყიდველს“ პირგასამტეხლო ყოველ ვადაგადაცილებულ კალენდარულ დღეზე „მომსახურების“ საერთო ღირებულების 0.1%-ის ოდენობით. შემსყიდველი უფლებამოსილია ანგარიშსწორებისას მიმწოდებელს გამოუქვითოს პირგასამტეხლოს სახით მასზე დარიცხული თანხა.

5.6. „შემსყიდველის“ მიერ ანგარიშსწორების ვადის გადაცილების შემთხვევაში „მიმწოდებელს“ უფლება აქვს დააკისროს „შემსყიდველს“ პირგასამტეხლოს გადახდა ყოველ ვადაგადაცილებულ სამუშაო დღეზე გადაუხდელი თანხის 0.1%-ის ოდენობით.

5.7. „მიმწოდებლის“ მიერ პირგასამტეხლოს გადახდა, სამოქალაქო კოდექსით გათვალისწინებული შემთხვევების გარდა, არ ათავისუფლებს მას წინამდებარე ხელშეკრულებით ნაკისრი ვალდებულებების ჯეროვნად შესრულების მოვალეობისაგან.

6. მხარეთა პასუხისმგებლობისგან გათავისუფლება

6.1. მხარეები არ აგებენ პასუხს ვალდებულებათა სრული ან ნაწილობრივი შეუსრულებლობისათვის იმ შემთხვევაში, თუ აღნიშნული გამოწვეულია ფორს-მაჟორული გარემოებებით (მიწისძვრა, წყალდიდობა, სახელმწიფო გადატრიალება და სხვა გარემოებები, რომლებიც არ არიან დამოკიდებული მხარეებზე და ითვლებიან ფორს-მაჟორულ გარემოებებად).

6.2. მხარემ, რომელსაც შეექმნა ფორს-მაჟორული გარემოება დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ. წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისაგან.

6.3. წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.

6.4. მხარეები ანახლებენ თავიანთი ვალდებულებების განხორციელებას ფორს-მაჟორული გარემოებების აღმოფხვრისთანავე.

7. ხელშეკრულების ინსპექტირების პირობები

7.1. „შემსყიდველს“ ან მის მიერ უფლებამოსილ პირს უფლება აქვს განახორციელონ „მომსახურების“ კონტროლი და/ან შეამოწმონ, სრულად არის თუ არა გაწეული „მომსახურება“.

7.2. „მიმწოდებლის“ მიერ ხელშეკრულებისა და მისი დანართების შესრულებაზე კონტროლს ახორციელებს „შემსყიდველის“ მიერ შექმნილი ინსპექტირების ჯგუფი.

7.3. ინსპექტირების ჯგუფის ფუნქციებია:

7.3.1. მომსახურების მოცულობის, ხარისხისა და ვადების წინამდებარე ხელშეკრულების მოთხოვნებთან შესაბამისობის დადგენის მიზნით სათანადო კონტროლისა და ზედამხედველობის განხორციელება;

7.3.2. წინამდებარე ხელშეკრულებით გათვალისწინებული ანგარიშსწორების პროცესის რეგულირება;

7.3.3. საჭიროების შემთხვევაში წინამდებარე ხელშეკრულების შესრულების მიმდინარეობის ამსახველი პერიოდული დოკუმენტაციის წარმოება და შენახვა;

7.3.4. წინამდებარე ხელშეკრულების ეფექტური შესრულების მიზნით სხვა უფლებამოსილების განხორციელება.

7.4. “მიმწოდებელი” ვალდებულია საკუთარი რესურსით უზრუნველყოს ინსპექტირების ჯგუფი შემოწმების ჩატარებისთვის აუცილებელი პერსონალით, ტექნიკური საშუალებებითა და სხვა სამუშაო პირობებით.

7.5. ყოველი გამოვლენილი დეფექტის და/ან ნაკლის აღმოფხვრასთან და ინსპექტირებასთან დაკავშირებული ხარჯების ანაზღაურება ეკისრება “მიმწოდებელს”.

8. ხელშეკრულებაში ცვლილებების შეტანა

8.1. ხელშეკრულების მონაწილე არც ერთ მხარეს არ აქვს უფლება ცალმხრივად შეცვალოს ხელშეკრულების პირობები.

8.2. დაუშვებელია ხელშეკრულებაში იმგვარი ცვლილებების შეტანა, რომლის შედეგად შემსყიდველისათვის იზრდება ხელშეკრულების ღირებულება ან უარესდება ხელშეკრულების პირობები, გარდა სამოქალაქო კოდექსის 398-ე მუხლით დადგენილი შემთხვევებისა.

8.2.1. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

8.3 ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით შეთანხმების სახით, რომელიც თან დაერთვება ხელშეკრულებას და ჩაითვლება მის განუყოფელ ნაწილად.

8.4. ხელშეკრულებაში შეტანილი ყველა ცვლილება იურიდიულ ძალას იძენს მხოლოდ მხარეთა მიერ მისი ხელმოწერის დღიდან.

9. ხელშეკრულების ძალაში შესვლა და მოქმედების ვადა

9.1. ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს ----- ჩათვლით.

9.2. ხელშეკრულების შესაბამისი მუხლები ძალაში რჩება, მხარეთა მიერ ნაკისრი ვალდებულებების სრულ ამოწურვამდე.

10. ხელშეკრულების შეწყვეტა

10.1. მხარეებს შეუძლიათ ურთიერთშეთანხმებით, ორმხრივად შეწყვიტონ წინამდებარე ხელშეკრულება მისი მოქმედების ნებისმიერ ეტაპზე.

10.2. ნებისმიერ მხარეს შეუძლია ცალმხრივად შეწყვიტოს ხელშეკრულება მეორე მხარისათვის წერილობითი შეტყობინების გაგზავნის საფუძველზე, იმ შემთხვევაში თუ:

ა. რომელიმე მხარემ მთლიანად ან ნაწილობრივ დაარღვია ამ ხელშეკრულების პირობა და არ/ვერ აღმოფხვრა აღნიშნული დარღვევა იმ ვადაში, რა ვადაც მითითებული იყო მეორე მხარის მიერ დარღვევის აღმოფხვრის შესახებ გაგზავნილ წერილობით მოთხოვნაში.

ბ. ხელშეკრულების ერთ-ერთი მხარე სისტემატიურად არღვევს წინამდებარე ხელშეკრულების პირობებს;

გ. სსკ 398-ე მუხლით გათვალისწინებულ შემთხვევაში.

10.3 შემსყიდველი უფლებამოსილია ცალმხრივად შეწყვიტოს წინამდებარე ხელშეკრულება მისი მოქმედების ნებისმიერ ეტაპზე. ხელშეკრულება წყვეტს მოქმედებას შემსყიდველის მიერ გაგზავნილ შეტყობინებაში მითითებული ვადის შესაბამისად.

11. დავების გადაწყვეტა, მარეგულირებელი სამართალი

11.1 მხარეთა შორის წარმოშობილი ნებისმიერი დავა წყდება მხარეთა ურთიერთმოლაპარაკების გზით.

11.2 შეთანხმების მიუღწევლობის შემთხვევაში ყველა სადავო საკითხი წყდება საქართველოს სასამართლოში.

11.3 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

12. დასკვნითი დებულებები

12.1. ხელშეკრულება შედგენილია ქართულ ენაზე, თანაბარი იურიდიული ძალის მქონე 2 (ორ) ეგზემპლარად.

12.2 ხელშეკრულების ცალკეული მუხლის და/ან პუნქტის ბათილობა ან ძალადაკარგულად ცნობა არ ახდენს გავლენას მთლიანად ხელშეკრულების ან მისი დანართების ნამდვილობაზე.

12.3 ხელშეკრულების არც ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობები.

13. მხარეთა რეკვიზიტები და ხელმოწერები

5. დანართი №1 - სატენდერო წინადადება

პრეტენდენტის დასახელება _____

საერთო მოხმარების სამუშაო ცენტრის XEROX 7125 (7125V_7125KD2) შეკეთება

სატენდერო წინადადების ფასი: _____ ლარი დღგ-ს გარეშე.

ამით ვადასტურებ, რომ მომსახურების გაწევას განვახორციელებ დანართი №2 - ტექნიკური დავალების შესაბამისად.

ხელმოწერა, ბეჭედი _____ თარიღი _____

6. დანართი №2 - ტექნიკური დავალება

- მომსახურების გაწევის ადგილი - სს "საქართველოს ნავთობისა და გაზის კორპორაცია", ქ.თბილისი, კახეთის გზატკეცილი №21.
- აპარატი იძლევა შეცდომის კოდს 093-320, რაც ქსეროგრაფიული პროცესის დარღვევას ნიშნავს.
- უნდა შეიცვალოს 007k16710 Developer Drive Assy (გამჟღავნების კვანძის ძრავის მექანიკური კვანძი) და 101k59190 MCU PWB (მთავარი პლატა) ახლით.
- ამისთვის უნდა განხორციელდეს აღნიშნული ნაწილების სამონტაჟო პროცედურა.
- გაწეულ მომსახურებაზე უნდა გავრცელდეს მინიმუმ 6 თვიანი გარანტია დანართი №5-ის შესაბამისად.

7. დანართი №3 - რეკვიზიტების ფორმა

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

მომსახურე ბანკის დასახელება:

ბანკის კოდი:

ანგარიშის ნომერი:

ხელმოწერა, ბეჭედი ----- თარიღი -----

8. დანართი №4 ინფორმაცია ანალოგიური გამოცდილების შესახებ

№	მომსახურების დასახელება	დამკვეთი	მომსახურების დირექტორის დასახელება	შესრულების ვადები	დამკვეთის რეკვიზიტები

შენიშვნა * პრეტენდენტმა აღნიშნულ ინფორმაციას თან უნდა დაურთოს გაწეულ მომსახურებაზე დამადასტურებელი დოკუმენტების ასლები და/ან ინფორმაცია;

ხელმოწერა, ბეჭედი _____ თარიღი _____

9. დანართი №5 - საგარანტიო პირობები და ვადები

1	2
მომსახურების დასახელება	ჩვენს მიერ გაწეულ მომსახურებაზე გავრცელდება
საერთო მოხმარების სამუშაო ცენტრის XEROX 7125 (7125V_7125KD2) შეკეთება	----- თვითი გარანტია (დეფექტების აღმოფხვრის პერიოდი).

შენიშვნა:

- გაწეულ მომსახურებაზე მიმწოდებელმა უნდა გაავრცელოს მინიმუმ 6 თვითი გარანტია, რომ მის მიერ გაწეულ მომსახურებას არ ექნება დეფექტი ექსპლუატაციის ნორმების დაცვის პირობებში, წინააღმდეგ შემთხვევაში მიმწოდებელი ვალდებულია საკუთარი ხარჯებით განახორციელოს გამოვლენილი დეფექტების აღმოფხვრა.
- მიმწოდებელი ავსებს #2 გრაფას.

ხელმოწერა, ბეჭედი _____ თარიღი _____